

## 4. gr.

87

Lögtaksréttur er á vangoldnum útsvarsgreiðslum samkvæmt reglum þessum eftir þeim ákvæðum, sem gilda um lögtök fyrir vangoldnum opinberum gjöldum. 30. apríl

Reglur þessar, sem settar eru af bæjarstjórn Vestmannaeyja samkvæmt lögum nr. 15 26. febrúar 1943, um heimild fyrir bæjar- og sveitarstjórnir til útsvarsinnheimtu árið 1943, staðfestast hér með til að öðlast þegar gildi og birtast til eftirbreytni öllum þeim, sem hlut eiga að máli.

*Félagsmálaráðuneytið, 30. apríl 1943.*

**Björn Þórðarson.**

*Vigfús Einarsson.*

## SAMÞYKKTIR

88

fyrir sparisjóð Flateyjar á Breiðafirði.

3. maí

### I. Stofnun, nafn, ábyrgð og stjórn sjóðsins.

## 1. gr.

Sjóðurinn heitir Sparisjóður Flateyjar, er heimili hans og varnarþing í Flatey.

## 2. gr.

Ábyrgðarmenn sjóðsins skulu vera að minnsta kosti 15, og ábyrgjast þeir hver um sig kr. 200.00 — tvö hundruð krónur — til að bæta tjón, er sjóðurinn kann að verða fyrir og varasjóður ekki hrekkur til. (Varasjóður sjóðsins er nú kr. 16200.00 — sextán þúsund og tvö hundruð krónur — 1943.)

Stjórnin skal ávallt annast um að bæta nýjum mönnum í ábyrgð sjóðsins í stað þeirra, er ganga úr samkv. 3. gr. þessarar samþykktar.

## 3. gr.

Ábyrgð ábyrgðarmanna fellur niður:

- a. við hurtflutning úr lögsagnarumdæminu,
- b. — andlát,
- c. — missi fjárforræðis,
- d. — gjaldþrot,
- e. — nauðasamninga,
- f. — ef maðurinn verður öreigi á annan hátt.

## 4. gr.

Stjórn sjóðsins skipa þrjú menn, tveir kjörnir á aðalfundi úr hópi ábyrgðarmanna og tveir varamenn, einn kosinn af sýslunefnd og einn varamaður; gildir kosning þeirra til eins árs.

Stjórnin skiptir með sér verkum. Einn er formaður, annar gjaldkeri og þriðji ritari. Stjórnarnefndarmenn má endurkjósa, en hafi þeir setið í stjórninni í fjögur ár samfleytt, er þeim ekki skylt að taka við kosningu fyrr en að fjórum árum liðnum.

Deyi stjórnarnefndarmaður eða forfallist á annan hátt samkv. ákvæðum 3. gr. þessarar samþykktar, tekur varamaður hans sæti í stjórninni til næsta aðalfundar.

88 Birta skal í blaði því, er flytur stjórnarvaldaaúglýsingar, hverjir séu stjórn-  
3. maí endur sjóðsins og starfsmenn og hverjir geti undirritað kvittanir og aðrar yfir-  
lýsingar, svo að skuldbindandi séu fyrir sjóðinn gagnvart viðskiptamönnum hans.

Stjórnendur sjóðsins bera einn fyrir alla og allir fyrir einn ábyrgð á því, að ekkert af fé sjóðsins fari forgörðum fyrir hirðuleysi.

#### 5. gr.

Stjórnendur og starfsmenn sjóðsins mega ekki taka eða ábyrgjast lán úr sjóðnum, né reka eiginhagsmunastarfsemi, er komið geti í bága við hagsmuni sjóðsins.

#### 6. gr.

Tilkynna skal stjórnarráðinu tafarlaust, hverjir kosnir eru í stjórn sjóðsins árlega.

#### 7. gr.

Stjórnarnefndarmenn eru að jafnaði starfsmenn sjóðsins. Þó má ráða aðra starfsmenn.

Meðan sjóðurinn er ekki stærri en 200000.00 — tvö hundruð þúsund — krónur skal gjaldkeri hafa á hendi daglega afgreiðslu.

Bókhald sjóðsins skal vera samkvæmt gildandi lögum um sparisjóði og bækur hans færðar samkvæmt þeim.

#### 8. gr.

Féhirðir skal setja tryggingu fyrir fé því, sem honum er trúað fyrir.

Stjórnarráðið ákveður fjárhæð tryggingar, að fengnum tillögum sparisjóðs-  
stjórnar.

#### 9. gr.

Stjórnarfundir skulu haldnir eftir þörfum, þó eigi sjaldnar en einu sinni í mánuði. Skal stjórnin þá athuga nákvæmlega ástand og rekstur sjóðsins.

#### 10. gr.

Aðalfundur skal haldinn dagana frá 6.—10. marz ár hvert, hvern fyrsta veður-  
færan dag, og skal hann auglýstur með mánaðar fyrirvara. Skulu þar lagðir fram  
endurskoðaðir reikningar sjóðsins til samþykktar og kosnir tveir menn í stjórn  
sjóðsins

Aðalfundur er lögmætur ef helmingur ábyrgðarmanna mætir. Afl atkvæða  
ræður úrslitum, þó má eigi breyta lögum sjóðsins nema þrír fjórðu hlutar fund-  
armanna á lögmætum fundi samþykki. Mæti eigi helmingur ábyrgðarmanna skal  
boða til fundar að nýju á sama hátt, og er hann þá lögmætur hversu fáir sem mæta.

## II. Um innlög í sjóðinn, inn- og útborgun, vexti og vaxtagreiðslur o. fl.

#### 11. gr.

- a. Innlög eru tekin í sjóðinn í gjaldgengum peningum og eigi minni en 1 kr. í senn. Minni upphæð en kr. 10.00 ber ekki vexti og teljast vextir frá fyrsta degi hvers mánaðar eftir að lagt er inn í sjóðinn.
- b. Sem kvittun fyrir innlögum í sjóðinn fær hver viðskiptamaður sparisjóðs-  
bók með sömu yfirskrift og númeri sem er á viðskiptareikningi hans í inn-  
lánsbók við sjóðinn, og sé í henni útdráttur úr lögum sjóðsins, sérstaklega  
um hreyfingu innstæðufjárins og vaxtakjör. Viðskiptamaður greiðir andvirði  
bókarinnar við móttöku.

- c. Ef sérstakar ástæður eru fyrir hendi, má neita viðtöku á fé í sjóðinn, eða gera að skilyrði, að féð skuli standa óhreyft að minnsta kosti í eitt ár. 88  
3. maí
- d. Sparisjóðurinn getur neitað einstökum viðskiptamönnum að hafa hærri innstæðu en kr. 5000.00 — fimm þúsund krónur —.
- e. Um eigur manna í sjóðnum verður ekki sagt öðrum en þeim, sem lögum samkvæmt geta krafizt þess.

## 12. gr.

Upphæð innlánsvaxta ákveður sparisjóðsstjórnin á hverjum tíma í samræmi við ákvæði gildandi laga.

Vextir af innstæðu skulu reiknaðir út að fullu í lok hvers árs og lagðir við höfuðstól í innstæðubókinni. Vextir reiknast eftir mánuðum þritugnættum og eigi af minni pörtum en heilum eyri.

Af upphæðum, sem nema kr. 1000.00 eða þar yfir, er sjóðnum eigi skylt að greiða vexti, þegar upphæðir þessar standa skemur en tvo mánuði í sjóðnum.

Vextir skulu færðir í viðskiptabækur strax og þær eru sýndar eftir áramót.

## 13. gr.

Af fé, sem sjóðurinn ávaxtar með sparisjóðskjörum, má greiða án uppsagnarfrests allt að kr. 50.00, en hærri upphæðir, upp að kr. 500.00, með tveggja mánaða fyrirvara, kr. 1000.00 og yfir með eins árs fyrirvara, ef stjórn sjóðsins telur þess þörf.

## 14. gr.

Aldrei má greiða neina upphæð af sparisjóðsinnstæðufé án þess að hún sé um leið skráð í viðskiptabók, sem ávallt skal bera saman við innstæðu viðskiptamanns.

Það er eigi á ábyrgð sjóðsins þótt handhafi viðskiptabókar hafi eigi löglega heimild eiganda til þess að taka fé út úr henni.

Þegar innlögum í sjóðinn er veitt móttaka án þess viðskiptabók sé sýnd, skal gefa sérstaka kvittun fyrir innlögunum og gildir hún þar til viðskiptabókin er sýnd, enda færist þá upphæðin í hana og afhendist þá kvittunin féhirði.

## 15. gr.

Innstæðufé og vextir greiðast úr sjóðnum í gjaldgengum peningum, seðlum eða tékkum. Greiðist innstæða að fullu skal skila viðskiptabókinni og hún þá tafarlaust ónýtt og þess getið við innstæðudálk viðskiptamannsins.

Glatist viðskiptabók, fer um hana samkvæmt lögum fyrir sparisjóði á hverjum tíma.

## 16. gr.

Ef eigandi að innstæðufé eða erfingjar hans vitja eigi sjóðsins í 15 ár til að taka við vöxtum eða segja upp höfuðstól, og eigi heldur innan 5 mánaða eftir áskorun í blaði því, er flytur stjórnarvaldaauglýsingar, er öll innstæðan ásamt vöxtum orðin eign sparisjóðsins.

## 17. gr.

Innstæðufé getur sparisjóðurinn sagt lausu með þriggja mánaða uppsagnarfresti. Skal annaðhvort rita uppsögnina í sparisjóðsbókina eða gefa út auglýsingu um hana, er sé birt í blaði því í Reykjavík, sem stjórnarvaldaauglýsingar skulu birtar í.

Eftir gjalddaga eru engir vextir greiddir af því fé, sem uppsagt er.

88

3. maí

18. gr.

Ársarð allan af rekstri sparisjóðsins, að kostnaði og vöxtum frádregnum, skal leggja í varasjóð. Tjón, er sjóðurinn kann að verða fyrir og ársarður eigi hrekkur til að greiða, skal greiða úr varasjóði, en eigi má greiða þaðan annað, nema því aðeins að varasjóður nemi að minnsta kosti 10% af sparisjóðsinnstæðufénu samanlögðu. — Þegar svo er komið hag varasjóðs, getur stjórnarráðið samþykkt, eftir tillögum sparisjóðsstjórnarinnar, að verja megi fé úr sjóðnum til nytsamlegra fyrirtækja í almenningsþarfir í héraðinu.

19. gr.

Varasjóður sparisjóðsins skal vera í tryggum og auðseldum verðbréfum, eða inneign hjá Landsbankanum eða öðrum bönkum hér á landi með ríkisábyrgð. Þó er eigi skylt að koma meira af varasjóði svo fyrir, en að nemi 5% af samanlögðu innstæðufé sjóðsins eins og það var í árslok næst á undan. Nú ber svo við, að stjórn sparisjóðsins neyðist til að grípa til fjár þessa, vegna ófyrirsjáanlegra útborgana, og er henni þá skylt, svo fljótt sem verða má, að koma því í samt lag aftur.

### III. Um útlán.

20. gr.

Eignir sjóðsins skal ávaxta:

- með því að kaupa ríkisskuldabréf eða önnur skuldabréf, sem álita má jafngóð;
- með því að lána fé til einstakra manna gegn áreiðanlegu fasteignaveði, í hæsta lagi  $\frac{3}{5}$  af virðingarverði því, er lögskipaðir virðingarmenn meta, eða gegn sjálfskuldarábyrgð einstakra manna eða félaga;
- með því að kaupa víxla, sem sparisjóðsstjórnin álitur tryggja;
- á hvern annan hátt, er stjórn sjóðsins telur heppilegan.

21. gr.

Sparisjóðurinn áskilur sér forvexti af útlánnum. Vextir skulu ávallt greiddir eigi síðar en á gjalddaga, en bregðist það, greiðir skuldunautur 2% árlega dráttarvexti, um þann tíma, sem dregizt hefur að borga fram yfir gjalddaga.

### IV. Um reikninga sparisjóðsins.

22. gr.

Reikningsár sparisjóðsins skal vera almanaksárið og skal reikningur hans vera saminn og lagður fram á skrifstofu sjóðsins fyrir lok febrúarmánaðar ár hvert.

23. gr.

Ársreikningur skal þannig gerður, að af honum sjaist glögggt yfirlit yfir starfsemi sjóðsins á liðna árinu og eignir og skuldir í árslok.

24. gr.

Skylt er sparisjóðnum að hafa reikninga sína í því formi, er fyrirmyndir stjórnarráðsins sýna.

## V. Um endurskoðun.

88

3. maí

## 25. gr.

Til að rannsaka reikninga sjóðsins og bókfærslu alla, skal velja tvo endurskoðunarmenn. Skulu þeir kosnir af sýslunefnd Austur-Barðastrandarsýslu til eins árs í senn. Endurkjósa má endurskoðunarmenn. Kjósa skal tvo menn til vara og ganga þeir í stað aðalmanna í forföllum þeirra.

## 26. gr.

Tilkynna skal sparisjóðseftirlitinu, hverjir séu kosnir endurskoðendur sparisjóðsins.

## 27. gr.

Skylt er endurskoðendum að rannsaka sjóðsforða sparisjóðsins eigi sjaldnar en ársfjórðungslega og verðbréfaeign hans minnsta kosti missirislega.

Endurskoðendur eiga frjálsan aðgang að öllum bókum, verðbréfum og öðrum skjölum og verðmætum sjóðsins, hvenær sem þeim þykir henta, til eftirlits, hvort heldur eru báðir í einu eða hvor um sig.

## 28. gr.

Endurskoðendum er skylt að hafa nákvæmt eftirlit með allri bókfærslu sparisjóðsins og gefa gætur að því, að þar sé allt í reglu og að gætt sé allra þeirra fyrir- mæla, er þar um gilda. Skulu þeir benda á ef eitthvað er athugasvert, svo að úr verði bætt tafarlaust.

## 29. gr.

Ársreikning sparisjóðsins skulu endurskoðendur rannsaka, þegar eftir að hann er saminn, og skulu þeir hafa lokið starfi sínu fyrir febrúarmánaðarlok. Rita þeir síðan á reikninginn vottorð sitt um, að endurskoðun reikningsins sé lokið. Reikningurinn, með athugasemdum endurskoðenda, skal síðan lagður fyrir aðalfund til úrskurðar.

## 30. gr.

Verði ágreiningur milli endurskoðenda um einhver þau atriði, er tilhögun á reikningsfærslu sparisjóðsins eða bókfærslu snertir, og þeir koma sér ekki saman um, skulu endurskoðendur leggja málið fyrir sparisjóðseftirlitið til úrskurðar.

Eins skal farið að, ef endurskoðendur komast að raun um, að rekstur sjóðsins sé ekki að öllu leyti lögmætur og í fullu samræmi við gildandi lög og reglugerðir um sparisjóði á hverjum tíma, og stjórn sjóðsins bætir eigi tafarlaust úr því sem ábótavant er.

## 31. gr.

Aðalfundur ákveður þóknun handa endurskoðendum fyrir starf þeirra.

Samþykkt þessi staðfestist hér með.

*Viðskiptamálaráðuneytið, 3. maí 1943.*

**Björn Ólafsson.**

*Torfi Jóhannsson.*